

Broj: 06-03-395-23/4/15
Mostar, 29.01.2016. godine

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), člana 20. Pravilnika za izdavanje dozvola („Službene novine Federacije BiH“ broj 43/14), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za izdavanje dozvole za rad za proizvodnju električne energije broj 06-03-395/4/15 od 22.04.2015. godine, podnosioca zahtjeva „COMEX“ d.o.o. Tešanj Regulatorna komisija za energiju u Federaciji Bosne i Hercegovine – FERK je dana 29.01.2016. godine na I redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije podnosiocu zahtjeva „COMEX“ d.o.o. Tešanj.
2. Utvrđuje se „COMEX“ d.o.o. Tešanj, status kvalifikovanog proizvođača u objektu solarne fotonaponske elektrane „Raduša“ u periodu važenja dozvole iz tačke 3. ovog rješenja.
3. Dozvola za rad izdaje se na period od 29.01.2016. godine do 28.01.2021. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. Imalac dozvole je obavezan plaćati regulatornu naknadu tromjesečno, u periodu važenja dozvole i u iznosu koji utvrdi FERK posebnom odlukom.
6. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

FERK je 22.04.2015. godine primio od podnosioca „COMEX“ d.o.o. Tešanj Zahtjev za izdavanje dozvole za rad za proizvodnju električne energije broj 06-03-395/4/15.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi dostavio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad za proizvodnju električne energije broj 06-03-395-01/4/15 od 20.05.2015. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopis primljen u FERK 01.06.2015. godine pod brojem 06-03-395-02/4/15, uz koji je dostavio dio tražene

Regulatorna komisija za energiju u Federaciji Bosne i Hercegovine – FERK

Blajburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

kontakt@ferk.ba www.ferk.ba

1

dokumentacije i obrazloženja. U cilju cjelovitog upotpunjavanja dostavljene dokumentacije, FERK je podnosiocu zahtjeva 12.06.2015. godine dostavio Zahtjev za informacijama broj 06-03-395-03/4/15, povodom kojeg je podnosilac zahtjeva dostavio 15.06.2015. godine FERK-u dopis primljen pod brojem 06-03-395-04/4/15, te 22.06.2015. godine dopis primljen pod brojem 06-03-395-05/4/15, kao i 26.06.2015. godine dopis primljen pod brojem 06-03-395-06/4/15, uz koje je dostavio tražene dokumentacije i obrazloženja.

Postupajući u skladu sa članom 15. Pravilnika za izdavanje dozvola FERK je dana 06.07.2015. godine u „Oslobođenju“ i na svojoj internetskoj stranici, objavio Obavještenje za javnost o podnesenom Zahtjevu za izdavanje dozvole za rad za proizvodnju električne energije podnosioca zahtjeva „COMEX“ d.o.o. Tešanj. Povodom Obavještenja za javnost, FERK do roka naznačenog u obavještenju odnosno do 14.07.2015. godine, nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješaća.

Na osnovu navedenog, a u skladu sa članom 55. Pravilnika o javnim raspravama i rješavanju zahtjeva, sporova i žalbi, FERK je dopisom broj 06-03-395-08/4/15 od 14.07.2015. godine, obavijestio podnosioca zahtjeva o svojoj namjeri provođenja postupka izdavanja dozvole bez održavanja formalne rasprave, te istom dao mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do 17.07.2015. godine, do 12:00 sati.

Postupajući po navedenom obavještenju, da se postupak izdavanja dozvole provede po skraćenom postupku, podnosilac zahtjeva je dostavio FERK-u dopis primljen 16.07.2015. godine pod brojem broj 06-03-395-09/4/15, u kojem je naveo da je saglasan da se postupak izdavanja dozvole provede po skraćenom postupku i nije iznio nove činjenice u vezi sa predmetom postupka, te nije uputio druge komentare FERK-u.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 17. stav (2) i stav (3) Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj 06-03-395/4/15 od 22.04.2015. godine, podnosioca „COMEX“ d.o.o. Tešanj. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-395-10/4/15 od 23.07.2015. godine usvojio Nacrt dozvole za rad za proizvodnju električne energije, dok je Odlukom FERK-a broj 06-03-395-11/4/15 od 23.07.2015. godine ovaj nacrt upućen u proces javne rasprave, te je određeno mjesto, datum i vrijeme održavanja opšte rasprave o predmetnom Nacrtu dozvole za rad za proizvodnju električne energije, imenovan voditelj postupka i zamjenik voditelja postupka, kao i da zainteresovana lica svoje usmene komentare na Nacrt dozvole za rad za proizvodnju električne energije mogu dati na opštoj raspravi koja je održana 25.08.2015. godine, u 12:00 sati, u prostorijama Opštine Tešanj u Tešnju, a pisani komentari su se mogli dostaviti na adresu FERK-a ili na elektronsku adresu, u periodu od 24.07.2015. godine do 26.08.2015. godine do 12:00 sati.

Opštoj raspravi o Nacrtu dozvole za rad za proizvodnju električne energije prisustvovali su predstavnici FERK-a, podnosioca zahtjeva i javnosti. Podnosilac zahtjeva je na održanoj raspravi istakao da veličina instalisane snage elektrane u dozvoli za rad treba da iznosi 23 kW, te da je osnova za isto Potvrda ovlaštenog servisa proizvođača solarnog invertera ABB d.o.o. o podešavanju i ograničenju izlazne nazivne snage na 23 kW, dostavljena u FERK 18.08.2015. godine.

Do ostavljenog roka za dostavu pisanih komentara, odnosno do 26.08.2015. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije.

U skladu sa članom 26. stav (2) Pravilnika o javnim raspravama i rješavanju zahtjeva, sporova i žalbi, a na osnovu održane opšte rasprave, voditelj postupka pripremio je pisani izvještaj, koji je sadržavao kratak pregled toka rasprave, zapisnik sa opšte rasprave, komentare, analizu datih komentara i preporuke, te je iste uputio podnosiocu zahtjeva na komentare 27.08.2015. godine pod brojem 06-03-395-13/4/15.

Podnosilac zahtjeva je povodom navedenog FERK-u dostavio 31.08.2015. godine dopis primljen u FERK pod brojem 06-03-395-14/4/15, u kojem je, pored ostalog, predložio da mu se ostavi određeni rok za dostavu dodatne dokumentacije, te da je u toku postupak izmjene Projekta izvedenog stanja u dijelu njegovog usklađenja u pogledu izmjene navedene nazivne snage ugrađenog invertera.

FERK je, postupajući u okviru svojih nadležnosti, Zaključkom broj 06-03-395-15/4/15 od 31.08.2015. godine, prekinuo postupak po Zahtjevu broj 06-03-395/4/15 od 22.04.2015. godine i naložio podnosiocu „COMEX“ d.o.o. Tešanj da zatraži od Službe za katastar, urbanizam i imovinsko-pravne poslove Opštine Tešanj pokretanje postupka utvrđivanja instalisane snage izgrađene solarne fotonaponske elektrane „Raduša“, te mu odredio rok da radi rješavanja ovog pitanja, obzirom da ovo pitanje predstavlja samostalnu pravnu cjelinu za čije rješavanje nije nadležan FERK, nego nadležni opštinski organ.

Postupajući po zaključku, podnosilac zahtjeva je dostavio dopis primljen u FERK 08.09.2015. godine pod brojem 06-03-395-16/4/15, uz koji je dostavio „Zahtjev za utvrđivanje činjeničnog stanja“ upućen Službi za katastar, urbanizam i imovinsko-pravne poslove Opštine Tešanj, a vezano za FERK-ov Zaključak kojim je podnosiocu naloženo da zatraži od Službe za katastar, urbanizam i imovinsko-pravne poslove Opštine Tešanj postupak utvrđivanja instalisane snage izgrađene solarne fotonaponske elektrane „Raduša“. Takođe podnosilac zahtjeva je dostavio dana 16.09.2015. godine pod brojem 06-03-395-17/4/15, dopis Službe za katastar, urbanizam i imovinsko-pravne poslove Opštine Tešanj u kome se navodi da utvrđivanje nazivne snage fotonaponske elektrane nije u nadležnosti ove službe, te FERK je istog dana, odnosno 16.09.2015. godine pod brojem 06-03-395-18/4/15, primio dopis elektronskom poštom od podnosioca zahtjeva, u kojem postavlja upit o tome da li je za FERK prihvatljiv izvještaj kantonalnog inspektora za električnu energiju vezano za utvrđivanje nazivne snage elektrane.

Povodom navedenog FERK je 30.09.2015. godine pod brojem 06-03-395-19/4/15 uputio dopis podnosiocu zahtjeva da je potrebno, u skladu sa Zakonom o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5114), odnosno članom 3. (Definicije i pojmovi) tačka h), kojom je propisano „Instalisana snaga elektrane znači zbir nazivnih snaga svih proizvodnih jedinica u postrojenju, da prije svega izvrši ugradnju invertora deklarisanu nazivne snage 23 kW (AC), a potom u projektu izvedenog stanja izvrši izmjenu tj. da umjesto 27,6 kW (AC) invertora naznači 23 kW (AC) snagu, a imajući u vidu da je to iznos snage koju podnosilac zahtijeva, te da je potrebno izvršiti i izmjenu Rješenja Službe za katastar, urbanizam i imovinsko-pravne poslove Opštine Tešanj na način da je instalisana snaga proizvodnog objekta SE „Raduša“ 23 kW (AC), a sve u cilju usklađivanja istog sa novim izvedenim stanjem.

Podnosilac zahtjeva je dostavio FERK-u dopis primljen 30.11.2015. godine pod brojem 06-03-395-20/4/15, u prilogu kojega je priložio Projekat izvedenog stanja broj: 3B-3-173/5 sa naznačenom nazivnom snagom elektrane od 23 kW, Rješenje Službe za katastar, urbanizam i

imovinsko-pravne poslove Opštine Tešanj broj 06-23-3-2793/15 od 13.11.2015. godine, sa klauzulom pravosnažnosti na dan 13.11.2015. godine, kojim se mijenja ranije Rješenje broj 06-23-2-3717 /13 od 06.01.2014. godine, kao i Rješenje Službe za katastar, urbanizam i imovinsko-pravne poslove Opštine Tešanj broj 06-23-4-2583/15 od 19.11.2015. godine, sa klauzulom pravosnažnosti na dan 24.11.2015. godine, kojim se mijenja ranije Rješenje 06-234-3219/14 od 20.11.2014. godine.

FERK je dopisom broj 06-03-395-21/4/15 od 11.12.2015. godine uputio podnosiocu zahtjeva da izvrši ugradnju invertera deklarisanе nazivne snage 23 kw (AC), a imajući u vidu da je iz dostavljenih rješenja vidljivo da je nazivna snage 23 kW (AC), te iako je u dostavljenom projektu izvedenog stanja, takođe, projektant naznačio nazivnu snagu od 23 kW, vidljivo je iz istog projekta da je i dalje u SE „Raduša“ ugrađen jedan inverter proizvođača ABB, tip TRIO-27.6-TL-OUTD čija nazivna izlazna snaga, prema deklaraciji proizvođača opreme (sastavni dio dostavljenog projekta izvedenog stanja), iznosi 27 600W.

Podnosilac zahtjeva je povodom navedenog FERK-u dostavio 18.12.2015. godine dopis primljen u FERK pod brojem 06-03-395-22/4/15, uz koje je dostavio tražene dokumentacije i obrazloženja.

Izvještaj voditelja postupka sa komentarima podnosioca zahtjeva dostavljen je članovima FERK-a dana 31.08.2015. godine pod internim brojem 06-08-279/15, na razmatranje radi donošenja odluke.

Na osnovu obrade Zahtjeva za izdavanje dozvole za rad za proizvodnju električne energije podnosioca „COMEX“ d.o.o. Tešanj i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, kao i analize postupka opšte rasprave, odnosno izvještaja voditelja postupka i komentara podnosioca zahtjeva na izvještaj voditelja postupka, u dozvoli koja je predmet ovog rješenja podnosiocu zahtjeva postavljeni su, u skladu sa članom 32., članom 33. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu „COMEX“ d.o.o. Tešanj, da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSEDNICE FERK-a
Sanela Pokrajčić